

# مُشَاطِقَةُ

در سعادتده باب عالی جورانده  
دائرة مخصوصه  
محل اداره :

خطار :  
مسئله موقف آثار جدیده مع المنونیه  
قبول اولونور  
درج ایدیه بن آثار اعاده اولونور

دین، فلسفه، علوم، حقوق، ادبیات و مسائل اجتماعی و سیاسی و کرب اجتماعی و مدنی احوال و مشوره اسلامیه در تحت ایدر ولفظ در نشر اولونور.

صاحب و مؤسسلری :	آبونه بدلی	سنه لکی	النی آیلنی
ابوالعلا زین العابدین - ح . اشرف ادیب	۵۰ پاره در	۸۰	۴۰
تاریخ تأسیسی	قیراه دن مقوا بورو ایله کوندربیلیرسه سنوی	۶۰۵	۳۰۵
۱۰ تموز ۳۲۴	۲۰ غروش فضله آلیر	۱۷	۹
		مالک عثمانیه ایچون	غروش
		» روسیه	روبله
		» سائر ممالک اجنبیه	فرانق

عدد : ۸۰      ۵ ربیع الاول ۳۲۸      پنجشنبه ۴ مارت ۳۲۵      در دنجی جلد

## تاریخ سلامت

نام مستعار بد در قنور « درزی » نك ترکیبیه مترجم رسالته

فارسی ریدیه

- ۹ -

تعدد زوجته نك اساساً مشروع، باعث مشروعیتی اولان حکمتلر  
مخلد، مشروع اولسلیله برابر [۱] رسول اکرم افندیمن حضرتلرینک  
حائز بوندقلری وصف رسالت اقتضاسنجه از هر جهت جور  
واعتسافدن معصومیتی، زوجهلری نه قدر چوق اولسه لر بینلرنده  
عدل ایله ایفای معامله بیورده جملرینک مجزومیتی حسینیه آرزولری  
قدر تزوج ایتملرینی شرع شریفک مباح قلمسی مغایر حکمت عد  
اوله یاز .

نصل که داود و سلیمان علیهما السلام و سائر انبیای عظامده بو  
مأذونیتی حائز ایدیلر [عهد عتیق و عهد جدید کتابلری بوکا شهادت  
ایتمکده در .]

ازواج طاهرته رسول اکرم حضرتلرندن سوکرا آخر کیمسه  
طرفندن تزوج ایدیلر ده تعظیم شان رسالت ، سد باب فساد ،  
ازاله باعث فتنه ، محافظه شان و دفع توهم کبی اسباب مهمه و حکم  
عالیه مبنی [۲] نص قرآنله تحریم قلمشدر .

سلطان انبیا افندیمن حضرتلری « ولو کنت فظاً غلیظ القلب  
لانفضوا من حولک فاستغفرلهم و شاورهم فی الامر » نظم جلیلی  
اشعار عالیسی وجهله مدار اکبری استحضار امت و غلظت قلب اولان

[۱] رساله حمیدیه ترجمه سنه مراجعت اولسون . صحیفه ۶۳۵ جلد ۱  
[۲] تعداد ایتدیکنر اسبابک توضیح و تفصیله کسب و قوف ، حقیقت حاله  
اطلاع آرزو ایدیلرده رساله مذکورده جلد اولنه مراجعت ایدیلر . صحیفه ۶۴۲

مساوی اخلاقیه و اوصاف استبدادیه نك کافه سندن وارسته ، « وانك  
لعلى خلق عظیم » نئای سبحانیسی شهادتیه بوتون محاسن اوصاف  
و عکارم اخلاق ایله پیراسته ایدیلر .

[ تورکیبیه مترجم بولونان « شفاء شریف » ، « مواهب لدنیه » ،  
« شمائل محمدیه » کتابلرینی اوقویانلر تفصیل احوال سنیه لرینه  
درجه کفایه ده و قوف حاصل ایده بیلیرلر . هر حقیقتی آکلامق ایچون  
اهمیتی نسبتنده چالشق لازمدر . چالشقده یولی ایله منبع حقیقی به  
مراجعتله اولورسه مفید اوله بیلیر .

بناء علیه دینک علویتی آکلامق آرزوسنده بولونانلر دین علمینده  
اولانلرک - اسنادات باطنیه محتوی ، کندی نقطه نظر لرینه متحد -  
آثار تمویها تکاریلرینی مرجع یکانه اتخاذ ایتمکله نائل مرام اوله مازلر .  
بلکه بر حدیث شریفی بلا واسطه استماع ایچون بر آیلق مسافه یه  
کیدرک ، نقد رجال و اکتشاف احوال مقصدیه بیکلرجه جلد کتابلر  
تالیف ایدرک هیچ بر ملتک مظهر اوله مادینی تعمیقات فکریه  
و تدقیقات موشکافانه سایه سنده بوتون حقائق و دقائق ابرازه موفقیتلری  
یار و اغیارک مسلمی بولنان علمای راسخین اسلامیه نك آثار مخلد لرینه  
مراجعتله کامیاب اوله بیلیرلر .

ایشته رسالت احمدیه نك سندن اقواسی ، هر زمان خلقنجه شایان  
تعویل و اعتماد بولونان برهان اجلاسی یوقاریدن بری سرد و اتیان  
ایدیکمز دلائل عملیه دن عبارتدر .

اما طرف رسالتنهایدن اظهار بیورولان سائر نوع معجزات ،  
عصر سعادت نبویلرنده مشاهده اولنان خوارق عادات اثبات رسالتده  
عمده دکدر . جناب رسالتآب افندیمن هیچ بر زمان بونلری اعظام  
ایدرک باشلیجه استنادکاه عد ایتمه مشلدر . صدق دعوا ی رسالتلرینه

حجت قاطعه اولمق اوزره دائماً قرآن باهر البرهانی ارأه ایتمکده ایدیلر. قرآن دن بشقه بر خارقه اورتیه قویوبده آچیقدن آچیفه کندی بیوروش، منکرلره مثلنی اتیان صورتیه معارضه تکلیفنده بولمش اولدقوری معلوم دکلدر. حتی بونوع خوارق - درجه نایسهده حائر اهمیت اولسنه مبنی - ارخای عنان مقصدیه غیرواقع منزلهسنه تنزیل اولندیغیده واردر.

نصل که «سوره انعام» ده «واقسموا بالله لجهادایم انهم لئن جاءهم آیه لیؤمنن بها قل انما الایات عندنا الخ» بیورلمش در. یعنی مشرکدر کمال اجتهاد ایله یمن ایتدیله که اگر اولره بر آیت، بر معجزه کله جک اولورسه ایمان ایله جکدرمش. ای رسول! اولره دی که آیتک جملهسی عند الهیده موجوددر. دیله دیکی زمان اتیان بیورور. اظهار خوارقه بنم قدرتم تعلق ایتمز. کذا «سوره طه» آخرنده «وقالوا لولایاتنا بآیه من ربه اولم تأتهم بینة مافی الصحف الاولى» وارد اولمشدر. معنای شریفی: منکرلر سائر معجزاته اعتداد ایتمه رک دیدیلر که نهیه بزه ریسندن بر آیت، بر خارقه کونیه کتیر میور. اولره صحف سالفه، کتب سماویه تک بینسی، صحت و ثبوتلرینه شهادت ایتمکده اولان قرآن معجزهسی کله دیمی؟ یعنی - بالفرض صدق مدعا که دال بشقه بر معجزه اولسه بیه - کتب سائر تک حاوی اولدیغی عقائد واحکام کلیه تک زبده سنی جامع اولان قرآن کریم سنک ایچون معجزه کافیه در. زیرا اصلاً تعلم ایله اشتغال ایمین امی بر ذات طرفندن تبلیغ بیورولان بو کتاب حقائق نقضاب هم کندی قدسیته، هم ده اصلیری اعتباریه تورات وانجیل کبی کتب سالفه تک صحت برهان قطعیدر.

«بیضاوی» کذاک «سوره اعراف» آخرنده «قل یا ایها الناس انی رسول الله الیکم جمیعاً الذی له ملک السماوات والارض لاله الا هو یحیی ویمیت فامنوا بالله ورسوله النبی الامی الذی یؤمن بالله وکلماته واتبعوه لعلکم تهتدون [۱] آیت جلایه سنده - بالجمله طوائف بشریه یه اعلان رسالت محمدیه امر بیورلدیغی صروده - جانب الهیدن ارسال رسل مقتضای حکمت وصلاح و موافق شان جلیل احدیت اولسنی مشعر صفات الوهیت تذکیریه برابر بالکیز حضرت رسول اکرم نبی امی اولسی و کندیسنه وحی بیورولان کلمات اللادین عبارت قرآن کریمک واجب الایمان بولنسی بیانیله اکتفا بیورلمشدر. بو آیت کریمه دن

[۱] ای حبیب! سن خطاب عام ایله دی که ایها الناس!

بن سزک جمله کزه کوندرلمش الله رسولیم. اول الله رسولیم، که بوتون اجرام علویه و سفلیه ده تصرف تام ذات الوهیتیه خاص اولوب خواص الوهیتیه فرد ایتشدر. نوع بشری احیا و امانه کبی افعال الهیه سنه مسخر قلمشدر.

ایندی بویه اولان الله ذوالجلاله وآنک رسول ذی شانیه ایمان ایدیکزه اول رسولنه، که کندیسی نبی امی اولوب ریسنه وآنک کلمات قدسیه سنه تماماً ایمان ایتمکده در. سزده نائل رشد و سلامت اولق ایچون متابعت کامله سنندن آیره بیکزه.

غایت وضوحی اعتباریه قرآن کریمک معجزه کافیه اولسی مستفاد اولدیغی کبی رسالت محمدیه تک بوتون اعصار اخیره واقوام مختلفه یه عام و شامل اولسنه مبنی تأیید و اثباتنده تواتر ثبوتی معلوم اوله جق معجزات سائر ایله اکتفا جائز اولوب بلکه قرآن کبی بر معجزه دائمیه مقارن بولنسی موافق و صلاحیت اولدیغیده مستبان اولمقده در، دامت لدینا ففاقت کل معجزه

من النبیین اذ جاءت ولم تدم

بشاء علی ذلک بزده بوراده معجزات کونیه و آیات حسیه یی حسابیه قاتمبهرق، نظر مطالعه یه المهرق بالاده مذکور براهین معنویه ایله - ذره قدر ترده میدان بر اقیه جق صورته - اثبات رسالت ایدیوروز.

مع هذا یقیناً اعتقاد ایدیوروز که معجزات مذکوره دخی مستحیلا دن دکل، بلکه اولرده قدرت الهیه تحتنده داخلدر. روایات موثوقه، اسانید صحیحه موصوایه ایله ثابت اولان بونوع معجزاتی ده علمسای حدیث و سیر ذکر و بیان ایشلدر [۲] بومعجزاتک بر قسمی حد تواتر بلوغله قابل اشتباه دکلدر. دیکر لری ایچنده کثرت اشتباهی حسیه الطمئنان تامه اقتران ایدنلر چوقدر.

انبیای سالفین حضرات تک امثلیه قارشی ابراز ایتدکری دلایل مقننه هب بوظایم معجزات کونیه دن عبارتدی. او عصر لرده بشقه درلو اثبات نبوت ممکن اوله مازدی. زیرا انسانلر هنوز ترقیات فکریه جه بسده طفولیتده بولنور، یالکیز مشهودات و محسوساتله متأثر اولورلردی. مؤخرأ مظهر ترقی لولهرق سن رشده بلوغ دوره سنه ایردکری جهته دلایل نبوت ده اونسنده مترقی اولمغه باشلادی. بواسلوب اوزره قابلیت بشریه مراتبه رعایت محض حکمتدر، زمان طفولیتده بساطت ادرا که، هنگام کهولتده مدارج عقلمه واقع ترقیه مناسب اوله جق مخاطبات و معاملات اجرا بیورلمشدر. نصل که حکیم و خیر خواه اولان بر پدر اولادینی تحصیل علومه سوق خصوصنده اونک درجه استعدادینه، مرتبه ادرا که کوره معامله ایدر.

مثلاً چوقلمقنده بازه ویرمک و اویونجاق آلمق ایله، سن تمیزه ایردکن سوکرا معارفک منافع و مخراتی استقباله کوستره جکی تأثیراتی تفهیم ایتمکه تشویق ایدم بولنور.

[۲] بو خصوصه دائر تدوین اولنان کتب معتبره تک واسع لرندن محمد زرقانی مرحومک سکز بو بوک جلد اوزرینه مرتب و مطبوع اولان «مواهب لدنیه شرحی» ایله جلال الدین سیوطی رحمه الله هند مطبوع ایتدن «خصائص کبری» نام کتابی کوستره بیلیرز.

ائمه متقدمیندن «بیهقی» و «ابونعیم» اصفهانی کبی ارباب انشادک «دلایل النبوه» نامنده کی غایت مفید اثر لری ده دیار هندده، مختصر و منقح اولق اوزره فرقه معتزله دن ابوالحسن ماوردی «رح» ک «اعلام النبوه» نام کتابی ده مصرده طبع و نشر اولمشدر.

«مواهب لدنیه» باقی افندی مرحوم طرفندن ترجمه اولنوب ابکی جلد اولق اوزره درسمعاده مکرراً طبع اولندیغی ارباب مطالعه تک معلوملریدر.

[ كرك بوراده ، كرك مقدما ذكر ايتديكمز آيات قرآنیه دن مقصد عالی نه اولدینی معلوم اولنجه رسول اکرم افندمز حضرت تندرندن هیچ بر معجزه کونیه صادر اولمادیغنی توهم ایتکه امکان قالمور . ذاتاً قرآن کریمک مواضع کثیره سنده نبی ذی شان افندمز دن معجزات باهره صدوری مصرحدر . مع هذا جدال و مکابره ده افراطی التزام ایتکه اولان (دوزی) کی منکر لر ، میسیونر لر تصریحات قرآنیه دن بالتمامی افندیمز حضرت تندرندن هیچ بر معجزه صادر اولمادیغنه بو طاقم آيات جلیله ایله احتیاجه یلته نیور لر .

بز بونلرک آکلار ، آکلماز هر درلو تلیساته قیام ایتلرینه اظهار حیرت ایتوروز . چونکه بومقوله کیمسه لر دن بوندن بشقه نه بکه نیر . مساکری ، مشربلری هر نه صورتله اولورسه اولسون شاشقینلری اغفاله چالشمقدن عبارتدر . بناء علیه نه قدر شارلاتاناق ایدر لرسه صنعتلرنده او نسبتده ابراز مهارت ایتش اولور لر . اصل شایان حیرت واستغراب اولان جهت بونلرک اغراض فاسده سی میدان علایتده کورولوب طورورکن تزویرات باطله لرینه حقیقت نظریله باقنده اولان سبکمز انک شدت حماقتی ، واعدا ی دینه نیابتله اضلال مسلمینه یلته نن سفهای مرتدینک بی پروا ادعای اسلامیه جرأتلریدر . [

شوراسی ده ملاحظه دن دور اولماق اقتضا ایدر که دلیل حسینک تأثیرات نامهریه سی غالب اولقله برابر دلیل عقلی دهها زیاده شایان وثوق واعتماددر . زیرا برهان قطعی اولان دلیل عقلینک مقدماتی هر نه زمان نظر مطالعه یه آله حق اولسه نتیجه سنده ذره جه اشتباهه میدان قالماز . دلیل حسی ایسه یالکنز احساس ایدنلره ، همده بر طاقم احتمالاته ، بعض کونا شبهاته معروض اولورق افاده علم ایده بیلیر . بنا برین محمد مصطفی « صلیم » افندیمز حضرتلری دائرة نبوتک خاتم والا شانی اولوب - آنفا انبا ایدلیدیکی اوزره - بلوغ رشده هنگامندن صوکر طوائف بشریه نک کافسه نه ارسال بیوراش ، رسالتلری هیچ بر زمان و مکان ایله تقید ایدامش اولمسنه مبنی اک زیاده شایان وثوق اوله حق معجزات جلیله سی دلائل حسییه دکل ، بلکه براهین عقلیه ودائمه اولسی موافق عقل وحکمت اولدینی جای بحث ومناقشه اولماز .

آرتق مقدمه مزه ختام ویردرک مقصده شروع ایتک زمانی کادی . فقط قبل الشروع مقالات عدیده یه توزع ایدن کلامزی بوجه آتی تاخیص ایتک ایجاب ایدیور .

صدر مقدمه ده افاده اولدینی اوزره مادام که نبوت - اعمار عالم واصلاح نبی آدم مصلحت عظیمه سنه من طرف الله مأمور بیورولان ذاتک صفت علیه سیدر ، بومصلحتی ایفایه مأمور اولان هر ذات شریفک نبی ذیشان اولسی لازم کلیر ؛ بو حلاله نوع بشرک مسعودیت کامله سنی تأمینه مدار اولان احکام شرعیه تأسیس ایدن اصلاحات عالمسنده نه حصوله کتیرن سلطان انبیا علیه اکمل النخایا افندمز حضرتلری زمره انبیانک سرفرازی ، صفت علیه مذکور نک موصوف کزین ومتمازی اولق قواعد منطقیه یه آشنا اولانلرک بلا

فی الحقیقه نوع انسان بعثت محمدیه سایه سنده عقل وفکرک قدر و قیمتنی ادراک ایتش ؛ مانع ترقی اوله حق بالجمله قیوددن ره ایاب اوله بیلمشدر .

اوت ! محضا بوسایه ده افراد بشریه دام مکر و احتیال دن آزاده سر قاهره غبار تقلیددن سیلکنمکه ، اطرافنه عطف انظار بصیرت ایدرک موجوداتک کافه سندن انتفاع یوللرینی کورمکه باشلامش ، طریق ترقی وتعالیه سیروسلوک واسطه سیله مکنوز فطرتلری بولنان کورم کرامتیه مدنیت وعرفانه قاوشمشلردر .

بناء علی ذلك بو ایتک اعظم براهینی کافه سنک اظهار عجز ایتش اولدق لری - بالاده تفصیل اولنسان - معجزات معنویه ودلائل عقلیه دن عبارت قلندی . معجزات سائر دنک ظهوری علی الاکثر بر حاجت ضروریه تسویه سنه مدار اوله حق عنایت ربانیه اقتضاسنه مبنی ایدی . بونکله برابر برهان عقلی یه قانع اولورق ایمان ایدن ارباب بصائر محسوساته تأیید وتثیت ، ایمان ایتلرینی بو طاقم آيات کونیه مشاهده سنه تعلیق ایتکه اولان مشرک لری الزام کی مصلحه مراعاتده جلوه نما اولمده ایدی .

اوت ! بوامتده ده نبی وعناده سالاک اولانلر علی الاکثر قبول دیاتی بودرلو ، همده کندی آرزولرینه موافق طرزده آيات ظهورینه تعلیق ایدیورلردی . فصل که بالاده مذکور «سوره انعام» آیت جلیله سی بونی تصریح ایدیور . بناء علیه بمضاده بو مصلحته رعایه آيات کونیه اظهار بیورولوردی . فقط مشاهده ایتدک لری آیاته « وان یروا آیه یمرضوا ویقولوا سحر مستمر » منطوق منیفجه سحر تسمیه ایدوبده ایمان ایتیانلرک دیگر مطالباتنه التفات بیورولمازدی . چونکه ایسته دک لری او آیاتی ده مشاهده ایتسه لر دییه جک لری سوزینه بو اوله جقدی .

فصل که «سوره اسری» آخرنده « وقالوا ان تؤمن لک حتی تفجر لنا من الارض ینبوعا . او یكون لک جنه من نخیل وغناب ففجر الانهار خللاها تفجیرا . او تسقط السماء کما زعمت الخ » آيات جلیله سنده محکی بولنان مطالب نابجایه قارشی « قل سبحان ربی هل کنت الا بشرأ رسولا » نظم جلیلی ایله جواب ویرلمشدر . یعنی ای حیم ! ایمان ایتکی تخیل ایتدک لری هر خارقه نک حصوله تعلیق ایدن بو حریفلره جواباً دی که بن رب ذوالجلالی هر درلو شایه عجزدن تنزیه ایتکه برابر آنجق افراد بشردن بر رسول اولدینی ، مرسلین سائر کی اذن الهی تعلیق ایتدکجه بر معجزه ابرازنه قادر اولمادیغنی بیانه اکتفا ایدرم . « جلالین »

(سوره اعراف) آخرنده « واذالم تأتم بایه قالوا لولا اجتیبنا قل انما اتبع ما یوحی الی هذا بصائر الخ » آیت جلیله سی ده بو حقیقتی اعلان ایتکه در [۱]

[۱] افتراحت ایتدک لری بر آتی ، بر خارقه نبی اتیان ایتدیکک زمان او منکر لر سکا دیرلر که نه به اصطفا ایتبورسک یعنی سچوبده کندی قوتکله اورته به قویبورسک . جواباً دی که بن آنجق رب دن وحی اولنان امره اتباع ایدیورم ، کندیلکمدن هیچ برشی یاپیم . قرآن کریمک هر آتی ربکزدن کلش بر بصیرت ، بر حجت ، بر چراغ هدایت و ایمان ایدنلره واسطه رحمتدر .

تردد و قبول اعترافه مجبور اوله جقلری بر حقیقت قطعیه اولدینی وارسته اشتباهدر .

بوحقیقتی تنویر ایچون برهان منطقی طرزینه قویهلم .

اقیسه منطقیه دن بدیی الانتاج اولان شکل اولک ضرب اولنه تطبیقاً شویله ترتیب ایدهلم :

رسول اکرم افندیز حضرتلری بزنی ذیشاندر .

چونکه اصلاحات بشریه به مدار اعظم اولان بر شریعت جدیده تأسیسنه من طرف الله مأمور بیورلمشدر .

بویله اولان ذوات کرامک هر بری نبی ذیشاندر . بناءً علیه

رسول اکرم افندیز حضرتلری ده نبی ذیشان اولمق ثابت اولور .

بوقیاسک مقدمه ثانیه سی بوتون ارباب ادیان عننده مسلم الثبوتدر .

مقدمه اولاسی ده : بیانات سالفه مزله قطعاً تقرر ایتشدر . چونکه

اول حضرتک وظیفه مذکوره به من طرف الله مأمور قلمعلری

معاصر ی بولنان هیچ بر فرددن استمداد واقتباسده بولناملریله تعین

ایتمکدهدر . بوعدم استمداد ادعا مزده تبلیغ بیوردقلری علوم ومعارفک

ومأثر جلیله اسلامیته نک برجز و مهمنی اولسون فرد آفریده نک سرد

وایفایه قدرتیاب اولماسیله ثابتدر . زیرا بوکالات واصلاحاتک مؤثر

حقیقیسی فرد آخر اولسه ایله طوغریدن طوغری به کنیدی نشر

واقاضه ایدهرک مرجع خاص وعام ؛ متبوع اعظم انام اولوردی .

نصل که بالاطراف ایضاح اولندی .

### مناسرتلی اسماعیل حقی

...

### ایلك مولد شریف جمعیتی نه زمان تشکل ایئدی؟

منقولات تاریخیه به کوره مولد شریف جمعیتی تشکل ایلیوبده ولادت جلیله جناب بیغمبری بی تصور منظومه بی احتفالات فائقه ایله اوقومق ، اوقومق عادت مستحسنه سی تاریخ هجرتک التی یوز درت سنه سنده باشلامشدر اوزمانه قدر بویله بر عادت یوق ایتمش اعظم عامای اسلامیته دن ابن الجزری وابن حجر حضرتی بدعت حسنه اولمق اوزره قید و اشعار ایتشدر . حتی بویله بر مجاسی تشکیلی ایله ندر تکلف اختیار اولونسه و تعظیبات و تکریمات اظهار ایدلسه یته آذر بیورمشدر . ایشته بوندن صکره بوعادت مستحسنه بین الاسلام شایع اولوب مکة مکرمه ، مدینه منوره ، وشامده وسائر بلاد اسلامیته ده عشاق محمدیه طرفلرندن غایت مؤثر اولهرق بازلمش ولادت جلیله احمدیه منقبتاملری اوقودلمق وبوسیلله جلیله یله ده روحانیت عظیمه رسالتپناهیدن استشفاع ایلك دأب دیرین صره سنه کچمشدر .

بوجمیتدن یکانه مقصد تسلیم کرده ارباب اذعان اولدینی اوزره استحصال رضای الهی واستجلاب خوشنودی جناب محمدیدر . بو صورتله توسل و اظهار تعظیبات و تجلاتدن اجور جزیله وفوائد حسنه وجوده کله جکفی عامای کرام عنایات سبحانیه به مغروراً بیان ایتشدر .

مجلس مولده در ذوق ونشاط دل او مجلسده اولور غمدن بری

بعض اهل ضلالتک بوباده ایتدکاری دیدی قودی به قارشویازلمش

اولان « اثبات المحسنات لتلاوة مولد سیدالسادات » نام اثرده : او کیلر

حقتده ، بونلرک سوزلرندن کرک ذوقلرینک کرک محبتلرینک هیچ

اولدینی استنباط اولور . واقعا هرشی بدعتدر لکن مولد شریف

اوقومق بدعت حسنهدر . ایوم عموم بلاد اسلامیته تعمم ایدن شو

عادت مرغوبیه قارشو سوزسویلمک روا دکلدردیه اوزون اوزادی به

دلایل واضحه بسط وتمهید اولنیور و ( لاتجمع امی علی الضلالة )

حدیث شریفی مقتضاسنجه بونده اجماع امت واقع اولدینه یقین واردر

دینلیور ذاتاً سرور کائنات علیه اکمل التحیات افندیز حضرتلرینه

عشق ومحبتی اولان انسانلر البته بوعادت جلیله بی تجلیدن کیر و طورمنز .

سکای زبور وحدت سرا خلق جهان عاشق

جهان عاشق ، زمان عاشق ، زمین وآسمان عاشق

فلک عاشق ، ملک عاشق ، بتون حورجان عاشق

دکل ساده خلیق ، خالق کون و مکان عاشق

دولتمزک تشککندن صکره خلفای عظام عثمانیه حضرتی دخی بوعادت

مقبوله اوزرینه هر سنه شهر ربیع الاولک اون ایکنجی کونی مدبده

بر آلی اجراسیله ارکان دولت دخی حاضر بالمجلس اولدقلری حالده

مولدی سلیمان چلبی حضرتلرینک منظومه مبارک سنی احتفالات لایقه

و تعظیبات فائقه ایله اوقومقنی اعتیاد ایلدیلر . اوزماندنبری هر سنه

اویوم مسعودده بو کوزل عادتک اجراسنه الحمد لله تعالی دوام اولنمقدهدر

شهر مزک مرکز معالی خلافت اولسی مابلسه سیله بوکونه مخصوص

اولهرق تکریماً بش وقتده مواقع متعدده دن طویلر آتیه لرق یوم

مسعودک شرف وشانی اعلان ایدیلور . فضله اولهرق بو هفته اوراق

حوادثده شهر ربیع الاولک اون ایکنسنه شرف مصادف یوم ولادت

سنیه رسالتپناه اعظمی حرمتته دوائر رسمیه دولتک رسماً تعطیل

ایدلسنه مجلس مخصوص و کلاجه قرار ویرلدیکی منظور چشم ابتهاجم اولدی .

رسول جناب کبریا ، نور جمال مولایه اکمل النحایا افندمنز حضرتلرینه

قارشو دولت علیه نک ولت اسلامیته نک حسیات تعظیمکارانه سی نتیجه

باهر سی اولمق اعتباریله بوقرار اصابت انار تاریخلر مزه التون قلمله

یازلمغه شایاندر . روحانیت جلیله بیغمبری سایه سنده یکی قابینه مزکده

توفیقات آتیه سنده برهاندر .

طیبه الاذکارده شوسطر نری اوقومشدم « ربیع الاول اون آینک اون

ایکنجی کونی مدینه منوره ده باب التسا اوکنده میدانه بر کرسی

قورلر جمله اشراف مدینه وقاضی بلده وشایخ الحرم وسائر

اغالر واهالی مدینه علی مراتبهم اوطوررلر عود وعبرلر یاقارلر

خطبادن بش ذات نوبته کرسی به چیقوب عربی مولد شریف منظومه سی

اوقورلر دعادن صکره شربتلر ایچیلر . هرکس اولرینه طاغیلیر .

قوشلق وقتده قدر دکاتلر آچاماز کیمسه برایشله مشغول اولماز .

طویلر آتیار . شنلیک یابیلیر . بیوک کوچک هرکس لباس فاخرینی

کوب بربریله معایده ایدرلر . اوکونه غایت تعظیم ایدرلر . اهل مدینه